



МАКТАБ ТАЪЛИМИ СИФАТИНИ ЯХШИЛАШ БЎЙИЧА ТАКЛИФЛАР КЎРИБ ЧИҚИЛДИ

Президент Шавкат Мирзиёев 26 январь куни мактаб таълими сифатини яхшилаш чора-тадбирларига оид тақдимот билан танишди.

Мамлакатимизда 10 минг 284 та мактаб бор. Сўнгги йилларда улардаги шароитларни яхшилаш, ўқувчи ўрнини кўпайтириш бўйича кўп ишлар қилинди. Мактабларни йилига ўртача 400 минг ўқувчи битираётган бўлса, уларнинг 170 минг нафари таълимни давом эттирмоқда. Ривожланган давлатларда 50 фоиздан зиёд битирувчилар профессионал таълим муассасасига киради.

Ҳозиргача 208 та мактабнинг юқори синф ўқувчиларини уч йўналиш бўйича касба ўргатиш йўлга қўйилди. Чет тилини билиш сертификатига эга бўлган мактаб битирувчилари сони охириг икки йилда 6 минг нафардан 18 мингга етди.

Шу билан бирга, бу ишларни изчил давом эттириш зарур. Таълим сифатини ошириш узлуksиз жараён.

Тақдимотда шу мақсаддаги чора-тадбирлар муҳокама қилинди.

Бугунги кунда ҳудудлардаги 500 та мактабда Президент ва ихтисослашган мактабларнинг баҳолаш тизими жорий этилган. Натижада илгўр хорижий тажриба асосида вазиятни таҳлил қилиш, муаммони ечиш, жамоада ишлаш каби амалий машғулотлар улуши 60 фоизга етказилган.

Келгуси ўқув йилига қадар ушбу баҳолаш тизимини халқаро тестология мезонларига мослаштириш зарурлиги айтилди. Мактабларнинг ўзи ҳам аккредитациядан ўтказилади. Бу халқаро баҳолаш мезонларини миллий тизимга жорий қилиш, мактабларни бошқариш ва таълим сифатини оширишга хизмат қилади.

Педагогларнинг билим ва маҳорати масаласига эътибор қаратилар экан, малака ошириш марказлари эскича ишлайётгани, илмий салоҳияти юқори эмаслиги қайд этилди. Шу боис, 14 та ҳудуддаги бундай марказлар фаолиятини қайта кўриб чиқиш, ўқитувчиларни касбий ривожлантириш дастурларини жорий этиш вазифаси қўйилди.

Мактабларда хорижий тил бўйича ўқув дастурларини такомиллаштириш, олий таълим муассасаларининг

ўқув режаларини бу билан уйғунлаштириш зарур. Хорижий тилни интенсив тарзда ўргатиш амалиётини ҳам кенгайтириш лозим.

Маълумки, юртимизда хусусий мактабларга имконият берилгани натижасида уларнинг сони кўпайиб бормоқда. Бу давлат мактабларига юкламани камайтириш ва соғлом рақобатга хизмат қилмоқда. Шу боис, хусусий мактаблар учун лицензия талабларини янада соддалаштириш, кредит, солиқ ва коммунал тўловлардан қўшимча енгилликлар бериш бўйича таклифлар билдирилди.

Мутасаддиларга таълим ташкилотлари фаолияти ва таълим сифати мониторинги платформасини ишга туширишга топшириқ берилди.

Йиғилишда таъкидланганидек, таълимнинг барча бўғинларида ислохотларни ягона концепция асосида амалга ошириш бўйича Лойиҳа офиси ташкил қилинади. У боғча, мактаб, касбий ҳамда олий таълимда ўқув стандарти ва дастурларини илгўр тажрибалар асосида ишлаб чиқишга масъул бўлади.

Давлатимиз раҳбари мактаблар фаолиятида маҳалла раиси ва фаолларининг ўрни катта бўлиши кераклигини таъкидлади.

— Маҳалладаги муҳит, аҳоли бандлиги кўп жиҳатдан ёшлар таълим-тарбиясига боғлиқ. Шундай экан, маҳалла раиси ота-оналар билан бирга мактаблар ҳаётида фаол қатнашиши, ёшларнинг билими ва касб эгаллашига эътиборли бўлиши керак, — деди Шавкат Мирзиёев.

Дарҳақиқат, мактаб масаласи қақатгина таълим соҳасининг эмас, ота-оналар, маҳалла фаоллари, бутун жамиятнинг иши. Чунки мактаб мамлакат келажагининг замини. “Бир болага етти маҳалла ота-она” деган мақол замирида ҳам айни шу ҳақиқат мужассам. Шунда ота-оналар ҳам ўз фарзандлари тарбиясига янада эътиборлироқ бўлади. Тобора глобаллашайётган ҳозирги замонда бу жуда муҳим.

ЎЗА

ИККИ ТОМОНЛАМА МУНОСАБАТЛАРНИНГ ДОЛЗАРБ МАСАЛАЛАРИ МУҲОКАМА ҚИЛИНДИ

Ўзбекистон Республикаси Президенти Шавкат Мирзиёев 26 январь куни Қирғиз Республикаси Президенти Садир Жапаров билан телефон орқали мулоқот қилди.

Ўзбекистон билан Қирғизистон ўртасидаги кўп қиррали ҳамкорликни янада ривожлантириш ва кенгайтиришнинг долзарб масалалари кўриб чиқилди.

Давлат раҳбарлари икки томонлама яхши қўшничилик ва кенг қамровли стратегик шериклик муносабатлари бугунги кунда юксак даражага кўтарил-

ганини алоҳида мамнуният билан қайд этдилар.

Мамлакатларимиз ҳукуматлари, идоралари, ҳудудлари ва ишбилармон доиралари ўртасида яқин алоқалар ва алмашинувларни давом эттириш муҳимлиги таъкидланди.

Ўзаро товар айирбошлаш ҳажминни ошириш, автомобилсозлик,

электротехника ва тўқимачилик тармоқларида, қишлоқ хўжалиги ва бошқа устувор йўналишларда, шу жумладан, қўшма Тараққиёт фонди доирасида саноат кооперацияси лойиҳаларини илгари суриш бўйича биргаликда амалга оширилайётган чора-тадбирлар қўллаб-қувватланди.

Маданий-гуманитар ҳамкорлик

дастурини кенгайтиришга алоҳида эътибор қаратилди.

Ўзбекистон ва Қирғизистон етакчилари Марказий Осиё минтақасидаги инфратузилмавий лойиҳаларни амалга ошириш масалаларини муҳокама қилдилар, бўлажак учрашувлар режасини кўриб чиқдилар.

ЎЗА

Президент қарорлари — ҳаётда ва назоратда

ҚАТЪИЙ ТАРТИБ-ИНТИЗОМ — МУВАФФАҚИЯТ ГАРОВИ

Танқидий таҳлил, қатъий тартиб-интизом ва шахсий жавобгарлик бир неча йилдирки кўплаб раҳбарларнинг фаолият мезонига айланган. Тўғри, барча бирдек ушбу талабга амал қилмасдир, бироқ ўз ишига нисбатан мана шундай интизомни белгиллаган кишилар халқ розилигига ва ўз фаолиятида юқори самарадорликка эришмоқда.

Президентимизнинг 2017 йил январда бўлиб ўтган мамлакатимизни 2016 йилда ижтимоий-иқтисодий ривожлантиришнинг асосий якунлари ва 2017 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг кенгайтирилган мажлисидаги маърузасида “Танқидий таҳлил, қатъий тартиб-интизом ва шахсий жавобгарлик ҳар бир раҳбарни —

бу ҳукумат аъзоси ёки ҳудудлар ҳокими бўладими, улар фаолиятининг кундалик қондиси бўлиб қолиши керак. Энди ҳар биримиз, энг аввало, давлат бошқаруви органлари раҳбарларининг вазифаси — ўзимиз масъул бўлган соҳа ва тармоқда ишларнинг аҳволини танқидий баҳолаш асосида зиммасизга юклатилган вазифаларни масъулият билан бажаришни таъминлашдан иборат”, деб айтган фикрлари

бугунги кунда дастурамал бўлиб хизмат қилмоқда.

Жамият ҳаётининг барча соҳаларида олиб борилаётган ислохотларнинг самарали амалга оширилиши ва қўзланган мақсадларга эришилиши, биринчи навбатда, давлат ҳокимиятининг барча бўғинларида мустаҳкам ижро интизомининг зарур даражада ташкил этилишига боғлиқ бўлиб, муҳим аҳамият касб этади.

Ижро интизоми масаласига қадимда ҳам жуда катта эътибор берилган. Бунга мисол сифатида ўз даврининг буюк давлат арбоби бўлган Низомулмулкнинг “Сияр ул-мулк”, яъни “Сиясатнома” асарини келтириш мумкин.

Низомулмулк ат-Тусийнинг 1091 йилда ёзилган, Шарқ тарихи ва маданиятида беқиёс ўрин тутган мазкур асарида саройдан юбориладиган олий фармон, буйруқлар ҳамда уларнинг ижро этилиши ҳусусида битилган ўн биринчи фаслида шундай ёзилади:

Давоми 3-бетда

Янгича ёндашувлар

ДАРОМАД СОЛИҒИ ТЎЛАМАЙДИ

ЛЕКИН БУ ШАХСЛАР МЕҲНАТ СТАЖИ ВА ТУРЛИ ИМТИЁЗЛАРГА ЭГА БЎЛАДИ

Бундан тўрт йил олдин маълумотномаларида фаолият тури “ҳеч қаерда ишламайди”, “вақтинча ишсиз”, “мавсумий ишчи” каби қайдлар турган фуқаролар эндиликда “ўзини ўзи банд қилган шахс” деган мақомга эга бўляпти. Бунинг учун ҳуқуқий ва иқтисодий имкониятлар яратилиб, рағбатлантирувчи имтиёзлар берилляпти. Президентимизнинг 2020 йил 8 июндаги “Тадбиркорлик фаолияти ва ўзини ўзи банд қилишни давлат томонидан тартибга солишни соддалаштириш чора-тадбирлари тўғрисида”ги қарорини бу тизимнинг ҳуқуқий асоси сифатида қайд этиш жоиз.

Улар фаолияти, шунингдек, “Аҳоли бандлиги тўғрисида”ги қонуннинг 35-37-моддалари, давлатимиз раҳбари ва Вазирлар Маҳкамасининг тегишли қарорлари билан тартибга солинади. Амалдаги ҳуқуқий ҳужжатларга кўра, жисмоний ва юридик шахсларга хизматлар кўрсатиш, ишларни бажариш бўйича шахсий меҳнат билан иштирок этишга асосланган фаолиятни мустақил амалга оширадиган, яқка

тартибдаги тадбиркор сифатида рўйхатга олинмаган, меҳнат стажи ҳисобга олинмиш ҳамда рағбатлантирувчи имтиёзлардан фойдаланиш ҳуқуқи билан давлат солиқ хизмати органларида рўйхатдан ўтказилган жисмоний шахслар ўзини ўзи банд қилган фуқаролар ҳисобланади.

Давоми 4-бетда



Халқаро ҳамкорлик

КОРРУПЦИЯГА ҚАРШИ КУРАШДА ХИТОЙ ТАЖРИБАСИ

У ҲАЛОЛЛИК ТАЪЛИМИ ВА ШАФФОФ БОШҚАРУВ МАДАНИЯТИДА АКС ЭТАДИ

Юртимизда хорижий тажриба ва халқаро амалиёт ютуқлари асосида олиб борилаётган аксилкоррупция ислохотлари ривожига Ўзбекистон ва Хитой ҳамкорлиги алоҳида аҳамиятга эга. Бу бекиз эмас, албатта. Хитой сўнгги ўн йилда коррупцияга қарши мурасасиз курашиш бўйича қатъий позиция, катта тажриба ва салоҳиятга эга мамлакат сифатида ўзини яққол намоён эта олди. Жумладан, конституцияга асосланиб, соҳага оид қатор муҳим қонун ва қоидаларни ишлаб чиқди ва амалда уларнинг устуворлигини таъминлашга катта эътибор қаратиб келмоқда.

Шунингдек, мансабдор шахслар ноқонуний бойиб кетишининг олдини олиш, ҳокимиятдан фойдаланиш устидан чеклов ва назоратни кучайтириш, коррупцияга олиб келиши мумкин бўлган асосий йўналиш ва омилларни ҳисобга олган ҳолда институционал ислохотлар ва инновацияларни ривожлантиришда салмоқли натижаларга эришмоқда.

Давоми 2-бетда

Нуқтаи назар

КАМБАҒАЛЛИКНИ ҚИСҚАРТИРИШ ХИТОЙЧА ЁНДАШУВ НИМАСИ БИЛАН АҲАМИЯТЛИ?

(Хитой Халқ Республикаси Раиси Си Цзиньпиннинг “Қашшоқликдан халос бўлиш” китобини ўқиб)

Ҳадислардан бирида “Илмни Чинга бориб бўлса ҳам ўрган”, дейилади. Шу маънода, ўзбек ва хитой халқлари ўртасида азалдан нафақат савдо-сотиқ алоқалари мустаҳкам йўлга қўйилган, балки катта илмий ҳамкорлик мавжуд бўлиб, илмий-амалий тажриба алмашишган.

Мамлакатларимиз раҳбарлари ўртасидаги ўзаро ишонч асосига қурилган дўстона муносабатлар туфайли Ўзбекистон ва Хитой ўртасидаги алоқалар янги стратегик шериклик даражасига кўтарилди. Президентимиз ташаббуси

билан 2020 йилда камбағалликни қисқартириш бўйича икки давлат ўртасида яқин ҳамкорлик йўлга қўйилди.

Ўзбекистон тарихида илк бор камбағаллик масаласи Президентимизнинг

2020 йил 24 январда Олий Мажлисга йўллаган Мурожаатномасида кўтарилиб,

ижтимоий-иқтисодий сиёсатнинг асосий кун тартибига айланди.

Аҳоли ўртасида ижтимоий нафақа ва моддий ёрдам пулини тўлаш ёки уларнинг миқдорини ошириш орқали ушбу муаммони ҳал этиш мумкин, деган фикр мавжуд. Бу — бир томонлама ёндашув бўлиб, муаммони тўла ечиш имконини бермайди.

Давоми 2-бетда

Хитой коррупцияга қарши курашишда IT технологиялар хизматидан фойдаланиш бўйича дунёда етакчи давлатлардан. Мамлакатда давлат хизматчилар томонидан коррупцияга оид ҳеч қандай таққилларни аниқлашда сунъий интеллект ёрдамида 150 дан ортиқ маълумотлар базасини таҳлил қилишга асосланган “Zero Trust” тизими ишга туширилган.

Президент қарорлари — ҳаётда ва назоратда

ҚАТЪИЙ ТАРТИБ-ИНТИЗОМ — МУВАФФАҚИЯТ ГАРОВИ



Аброр ВАҲОБОВ,

Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекцияси бошлиги

Бошланиши 1-бетда

“Фармоннинг ҳурмати ва куч-қуввати шундай бўлиши керакки, ижро этилмагунча уни ҳеч ким қўлидан қўйиши керак эмас. Агарда бирор кишининг Фармонга салбий муносабати маълум бўлса, ё унинг ижроси чўзилиб кетганлиги тўғрисида хабар етса, ундай қилишга, агар у яқинлардан бўлса ҳам, жазо берилади. Подшоҳ амри албатта, ижро этилиши ва унга жиддий муносабатда бўлиниши билан бошқалардан фарқ қилади”.

Бу каби аниқ талаблар ўтган минг йил давомида ҳам ижро интизоми долзарблигини йўқотмаганини кўрсатмоқда.

Интизом, ижро интизоми, тартиб-интизом — қандай аталишадиган қатъий назар, барча замонларда ҳам иш бошидаги асосий талаблардан бири бўлган.

Аслини олганда, “Ижро интизоми” сўзи бошқарувда энг кўп такрорланадиган сўзлардан бири ҳисобланади ва бу топшириқни тўғри тушуниш, уни тўғри бажаришга тайёрлик ва ходимлар томонидан топшириқнинг ўз вақтида ва сифатли таъминланишига боғлиқ.

Агар ташкилотда бир неча киши ишласа, унда топшириқларнинг ижро этилиши билан муаммо бўлмаслиги мумкин. Лекин ташкилот фаолияти кенгайиши, иш ҳажми ошиши билан ташкилот олдида қўйиладиган вазифалар сони, мураккаблик даражаси ошиб боради ҳамда ўз-ўзидан кўллаб топшириқлар ижросини муддатда ва сифатли тайёрлаш эҳтиёжи тугиладиган.

Раҳбар томонидан ходимга баҳолаш мезонларини аниқ баён қилган ҳолда топшириқ берилади, уни бажариш учун зарур бўлган муддатлар, жорий ишларга нисбатан муҳимлик ва долзарблик даражаси аниқланади. Шунингдек, топшириқ ўз вақтида ва талаб қилинадиган сифат даражасида бажарилиши учун у бевосита



ижрочиға тушунарли ва эришиш мумкин бўлиши зарур.

Демак, ходимга кўрсатма беришнинг ўзи етарли эмас, чунки раҳбар (бошқарувчи) масала қандай ҳал қилинаётганини билиши, ижрочиға бажарилган ишлар бўйича оралиқ ҳисоботларни эслатиб туриши керак.

Самарали давлат бошқаруви тизимини яратиш жараёнида ҳар бир ходим ўз зиммасидаги вазифаларни виждонан, сифатли ва масъулият билан бажариши муҳим аҳамият касб этади. Замонавий бошқарув услубларини амалиётга жорий этиш, назоратни амалга ошириш шакллари тақомиллаштириш, талабчанликни кучайтириш ва белгиланган вазифалар бажарилишини таъминлаш борасидаги ишлар давлат органлари раҳбарларининг шахсий жавобгарлигини ошириш бўйича қатъий чора-тадбирлар билан кучайтирилмоқда.

Шу ўринда, Президентимизнинг “Қонунчилик ҳужжатлари ижросини самарали ташкил этишда давлат бошқаруви органлари ва маҳаллий ижро этувчи ҳокимият

“ПРЕЗИДЕНТИМИЗНИНГ “ҚОНУНЧИЛИК ҲУЖЖАТЛАРИ ИЖРОСИНИ САМАРАЛИ ТАШКИЛ ЭТИШДА ДАВЛАТ БОШҚАРУВИ ОРГАНЛАРИ ВА МАҲАЛЛИЙ ИЖРО ЭТУВЧИ ҲОКИМИЯТ ОРГАНЛАРИ РАҲБАРЛАРИНИНГ ШАХСИЙ ЖАВОБГАРЛИГИНИ КУЧАЙТИРИШГА ДОИР ҚЎШИМЧА ЧОРА-ТАДБИРЛАР ТЎҒРИСИДА”ГИ ФАРМОНИ ҲАМДА “JRO.GOV.UZ” ИЖРО ИНТИЗОМИ ИДОРАЛАРАРО ЯГОНА ЭЛЕКТРОН ТИЗИМИ САМАРАЛИ ФАОЛИЯТ КЎРСАТИШИНИ ТАЪМИНЛАШГА ҚАРАТИЛГАН ҚЎШИМЧА ЧОРА-ТАДБИРЛАР ТЎҒРИСИДА”ГИ ҚАРОРИНИНГ ЎЗ ВАҚТИДА ҚАБУЛ ҚИЛИНГАНИ ДАВЛАТ ИДОРАЛАРИ ВА ТАШКИЛОТЛАРДА ИЖРО ИНТИЗОМИНИ ЯНАДА МУСТАҲКАМЛАШ ИМКОНИНИ БЕРДИ.**”**



органлари раҳбарларининг шахсий жавобгарлигини кучайтиришга доир қўшимча чора-тадбирлар тўғрисида”ги фармони ҳамда “jro.gov.uz” ижро интизоми идоралараро ягона электрон тизими самарали фаолият кўрсатишини таъминлашга қаратилган қўшимча чора-тадбирлар тўғрисида”ги қарорининг ўз вақтида қабул қилинган да давлат идоралари ва ташкилотларда ижро интизоми янада мустаҳкамлаш имконини берди.

Ушбу ҳужжатлар билан ижро интизоми янада мустаҳкамлаш ҳамда ягона ва узлуксиз “технологик занжир”ни ташкил қилиш бўйича давлат бошқаруви органлари раҳбарлари шахсан эътибор қаратиши лозим бўлган устувор вазифалар белгилаб берилди.

Хусусан, Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекциясида ҳам автоматлаштирилган бошқарув тизимидан фойдаланишга ўтилди, барчанинг лавозим йўриқномалари ва хизмат вазифалари тасдиқланди.

Бу эса, ўз навбатида, кўрсатма ва топшириқларни ҳисобга олиш ҳамда шартномалар, буйруқлар, йиғилиш баённомалари ва бошқаларни бажариш муддатларини назорат қилиш имконини берди. Шунингдек, топшириқни бажариш сифати ошди ва уларнинг ижроси ҳолати бўйича тезкор назорат қилиш йўлга қўйилди. Қолаверса, жамоанинг биргаликдаги мувофиқлаштирилган ишини таъминлаш, ходимларнинг меҳнат интизоми бўйича автоматик тарзда яратилган ҳисоботларни олиш осонлашди.

Фаолиятни таҳлил қилиш, камчиликларни эрта бартараф этиш мақсадида инспекция бошлиги ўринбосари бошчилигида ҳар ҳафтанинг жума кунини, инспекция бошлиги ҳузурида эса ҳар ҳафтанинг душанба кунини муҳокама ўтказилиши йўлга қўйилди.

Бундан ташқари, ҳар ой якуни бўйича инспекция ҳайъати йиғилишларида марказий аппарат бўлинмалари ва ҳудудий бошқармалар раҳбарларининг шахсий масъулиятга тегишли ҳисоботлари эшитиб борилмоқда.

Ижро интизоми мустаҳкамлашда тизимдаги ҳар бир ходимнинг масъулиятини ошириш, қатъий интизом ўрнатиш, уларда касбий гурур, меҳнатсеварлик, ташаб-

бускорлик ва ҳалоллик ҳиссини уйғотиш муҳим аҳамият касб этади.

“Ўзагроинспекция”да нафақат топшириқларни аниқ ва тушунарли қилиб ижрочиларга етказиш, балки уларни бажарадиган ходимларнинг янгиликлардан хабардорлиги, қонунчилик ҳужжатларини етарли даражада билишига алоҳида урғу берилади.

Бу йўналишда Ўзбекистон Республикасининг “Хуқуқий ахборотни тарқатиш ва ундан фойдаланишни таъминлаш тўғрисида”ги қонуни ва Хукуматнинг бир қатор қарорларига мувофиқ, норматив-ҳуқуқий ҳужжатлар келиб тушган куннинг ўзида таркибий ва ҳудудий бўлинмаларга электрон шаклда етказилмоқда, ўз фаолиятига оид норматив-ҳуқуқий ҳужжатлар матнларидаги нормаларнинг моҳияти ва аҳамиятини тушунтиришга доир, жамиятда ҳуқуқий онг ва ҳуқуқий маданият дара-

“ Республикаимизда амалга оширилаётган ислохотлар самараси у раҳбар ходим бўладими ёки оддий давлат хизматчиси, охир-оқибат давлатимиз раҳбари томонидан ҳар бир соҳа, йўналиш олдида қўйилган вазифаларга бўлган муносабати ва масъулият билан ёндашиши орқали юзага чиқади. Бу борада “Ўзагроинспекция” зиммасига юклатилган барча вазифалар ўз вақтида бажарилиши таъминланади.

жасини юксалтиришга қаратилган зарур ишлар ташкил этилган.

Бу йўналишда 2023 йил мобайнида 556 та ҳужжат, шундан Ўзбекистон Республикасининг 69 та қонуни, Олий Мажлис Қонунчилик палатасининг 1 та қарори, Ўзбекистон Республикаси Президентининг 78 та фармон ва фармойиши, 160 та қарори ҳамда Вазирлар Маҳкамасининг 248 та қарори рўйхатга олиниб, таркибий ва ҳудудий бўлинмаларга электрон шаклда етказилган, ижросига масъул ходимлар белгиланган



ҳамда уларнинг матнидаги нормаларнинг моҳияти ва аҳамиятини барча даражадаги раҳбарлар ҳамда ходимларга тушунтириш юзасидан топшириқлар берилган.

2023 йилда “jro.gov.uz” электрон тизими орқали 19 та қонунчилик ҳужжати ва топшириқлар бўйича 51 та топшириқ назоратга олиниб, уларнинг ижроси таъминланди. Вазирлар Маҳкамаси ҳамда тегишли вазирлик ва идораларга улар юзасидан ахборотлар киритилди ва Ҳисоб палатасидан назоратдан ечилди.

Йил давомида ижроси ташкил қилинган топшириқларнинг барчаси бўйича “jro.gov.uz” тизимига тегишли ахборотлар юклатилиши таъминланди.

Шунингдек, “Ташқи савдо, инвестициялар, маҳаллий саноатни ривожлантириш ва техник жиҳатдан тартибга солиш масалалари бўйича Хукумат комиссияси” йиғилишининг 3 та ва Вазирлар Маҳкамасининг 19 та ҳужжати бўйича 37 та топширигидан 34 тасининг ижроси тўлиқ таъминланди. 3 та ҳужжат бажариш муддатига кўра, ижрода турибди.

Президентимизнинг юқорида қайд этилган фармони ижросини ташкил этиш мақсадида Ўзбекистон Республикаси Хукумати тизимидаги давлат бошқарувчи органлари, хўжалик бирлашмалари ва бошқа ташкилотларнинг ижро интизомига масъул таркибий бўлинмалари раҳбарларини лавозимларга тайинлаш тартиби ва уларнинг фаолиятини тартибга солиш чора-тадбирлари юзасидан ҳам бир қатор ишлар ташкил қилинган.

Хусусан, республика даражасидаги барча давлат органлари ҳамда Қорақалпоғис-

тон Республикаси Вазирлар Кенгаши, вилоятлар ва Тошкент шаҳар ҳокимликларининг ижро интизомига масъул бўлинмалари раҳбарларини лавозимга тайинлаш ва лавозимдан озод этиш масалалари мажбурий тартибда Ўзбекистон Республикаси Президенти Администрациясининг Назорат инспекцияси билан келишилиши белгилангани ижро учун қабул қилинди.

Хукумат қарорига мувофиқ, инспекциянинг ижро интизомига масъул ходимига белгиланган тартибда жавобгарлик масалалари юклатилди. Уларнинг касбий тайёргарлиги ва малакасини ошириб боришига алоҳида эътибор қаратилмоқда. Инспекциянинг ижро интизоми ва муружаатларга масъул бир гуруҳ ходимлари 2023 йилнинг

лар, буйруқлар, қарор ва фармойишлар “edo.jro.uz” электрон ҳужжат айланиш модули орқали **ишлаб чиқилиши, имзола-ниши ва ижрочиларга йўналтирилиши** йўлга қўйилди.

Президентимизнинг “Рақамли хизматлар қамрови ва сифатини ошириш ҳамда соҳа, тармоқ ва ҳудудларни рақамли трансформация қилиш чора-тадбирлари тўғрисида”ги қарорига аҳоли ва тадбиркорлик субъектларига рақамли хизматлардан фойдаланиш учун қулай шароитлар яратиш, ишбилармонлик муҳитини яхшилаш, бюрократик тартиботларни қисқартириш, шунингдек, давлат бошқаруви, иқтисодиётнинг реал сектори тармоқлари ҳамда ҳудудларни рақамли трансформация қилиш кўзда тутилган бўлиб, инспекцияда бу борада ҳам бир қатор ишлар амалга оширилган.

Жумладан, инспекциянинг “Техникалар ҳисоби” ахборот тизими Ягона интерактив давлат хизматлари порталига интеграция қилинди. Натижада инспекция томонидан кўрсатиладиган 6 турдаги давлат хизматидан ушбу портал орқали фойдаланиш имконияти яратилди.

Яна бир ҳолатга тўхталиб ўтиш мақсада мувофиқ, сабаби бу йўналишда ташкил қилинаётган ишлар бевосита ижро интизоми билан чамбарчас боғлиқ, бу ходимлар фаолиятининг самарадорлиги масаласидир.

Шу сабабли инспекция фаолиятини замон талабига мос равишда йўлга қўйиш, уни билимли ва энг муносиб кадрлар билан таъминлаш, иш самарадорлигини ошириш борасида янги механизм — ходимлар фаолиятини энг муҳим самарадорлик кўрсаткичлари асосида баҳолаш (“КРП”) тизими эксперимент тариқасида 2021 йилдан бошлаб, биринчилардан бўлиб амалиётда синовдан ўтказилди.

Ўзбекистон Республикасининг “Давлат фуқаролик хизмати тўғрисида”ги қонуни, Меҳнат кодекси, давлатимиз раҳбарининг “Ўзбекистон Республикасида кадрлар сиёсати ва давлат фуқаролик хизмати тизимини тубдан тақомиллаштириш чора-тадбирлари тўғрисида”ги, “Маъмурий ислохотлар доирасида қишлоқ хўжалиги ва озиқ-овқат

Қишлоқ хўжалиги вазирлиги ҳузуридаги Агросаноат мажмуи устидан назорат қилиш инспекциясида ҳам автоматлаштирилган бошқарув тизимидан фойдаланишга ўтилди, барчанинг лавозим йўриқномалари ва хизмат вазифалари тасдиқланди.

ланиши ва ҳужжатлар расмийлаштирилиши, “Жисмоний ва юридик шахсларнинг муурожаатлари тўғрисида”ги қонун ижроси, ҳужжатлар ва топшириқларни назоратга олишни ташкил этиш, Ўзбекистон Республикасининг қонуни, Олий Мажлис палаталари қарорлари, Ўзбекистон Республикаси Президенти ҳужжатлари, Президент Администрацияси топшириқлари бўйича назорат топшириқларини шакллантириш ва ижрочиларга етказиш, “jro.gov.uz” тизими бўйича ишларни шакллантириш ва ижрочиларга етказиш масалалари бўйича тажриба ортирилди.

Амалиёт доирасида ходимларимиз Адлия, Спорт ҳамда Олий таълим, фан ва инновациялар вазирликларига бўлди. Шунингдек, инспекцияда Президентимизнинг “Республика ижро этувчи ҳокимият органлари фаолиятини самарали йўлга қўйишга доир биринчи навбатдаги ташкилий чора-тадбирлар тўғрисида”ги фармони ижросини таъминлаш мақсадида қабул қилинган “Маъмурий ислохотлар доирасида рақамли технологиялар соҳасида давлат бошқарувини самарали ташкил этиш чора-тадбирлари тўғрисида”ги фармони ижроси юзасидан ҳам муайян ишлар амалга оширилди.

Хусусан, фармоннинг 3-бандига кўра, “**Рақамли ҳукумат**” тизими доирасида **қоғозсиз иш юритишга ўтиш** жараёнини жадаллаштириш мақсадида **2023 йил 12 майдан бошлаб** “jro.gov.uz” ижро интизоми идоралараро ягона электрон тизими негизда ишлаб чиқилган “edo.jro.uz” модули орқали электрон ҳужжат айланиш тизимига уланилди.

Бугунги кунда барча турдаги **ички ҳужжатлар**, хатлар, муурожаатлар, баён-

соҳасида давлат бошқарувини самарали ташкил қилиш чора-тадбирлари тўғрисида”ги фармонлари ҳамда унга асосан, Қишлоқ хўжалиги вазирлигида имзоланган буйруққа кўра, инспекция марказий аппарати ходимлари фаолиятининг самарадорлигини баҳолаш мезонлари белгиланган талаблар асосида қайтадан ишлаб чиқилди ва тақомиллаштирилди.

Ушбу тартиб асосида ҳар ойда ижро интизомига риоя қилиниши бўйича ходимлар эришган барча кўрсаткичлар қўлиб чиқилади ва бу ҳолат уларнинг шахсий масъулиятини оширишга хизмат қилмоқда. Ушбу рейтинг баҳолаш “КРП” тизими инспекция ходимларининг ўз лавозими талабларига қанчалик жавоб бериши ҳамда шахсий масъулияти даражасининг уларга юклатилган вазифаларга мувофиқлигини аниқлаш имконини беради.

Юқоридагиларга кўра, янги ижро интизоми тизими жорий қилиниши инспекция фаолиятидаги самарадорликка сезиларли таъсир ўтказганини эътироф этиш жоиз.

Шунингдек, инспекция ходимларига тизим фаолияти ва ижро интизомига оид тегишли ҳужжатлар мазмун-моҳиятини тушунтириш юзасидан тарғибот ишлари олиб борилмоқда.

Хулоса қилиб айтиш мумкинки, республикаимизда амалга оширилаётган ислохотлар самараси у раҳбар ходим бўладими ёки оддий давлат хизматчиси, охир-оқибат давлатимиз раҳбари томонидан ҳар бир соҳа, йўналиш олдида қўйилган вазифаларга бўлган муносабати ва масъулият билан ёндашиши орқали юзага чиқади. Бу борада “Ўзагроинспекция” зиммасига юклатилган барча вазифалар ўз вақтида бажарилиши таъминланади.

